

դարձան յետս, և զկնի նոցա եկեալ միաբանաց պատմեցին 'ի Պատրիարքարանն զբանակուիւն իւրեանց ընդ Յոյնս, և Թէոդորոս Պատրիարք ժողովեաց զգլխաւոր միաբանս և զումանս յուխտաւորաց, և Դիոնէսիոս ծանոյց նոցա ըզհանգամանս գործոյն, եւ յորդորեաց ուղղել զմիտս հասարակաց. նոյնպէս և 'ի վաղիւն յատենի եկեղեցւոյ, Թէ պարտ է օրհնել զԱրքայ և զբարերարս ազգին, չտալ տեղի խռովութեան, և սիրով վարիլ ընդ Յոյնս՝ այլովքն հանդերձ: Լուեալ Յունաց զայսպիսի տարադէպ գործս Հայոց, 'ի նմին աւուր մնացին ոմանք յուխտաւորաց նոցին յԱստուածածին զկնի պատարագին. զի եթէ Հայք ձեռնարկեսցեն լուցանել զչարանն զայն՝ խորտակեսցեն և յարուցեն խռռովութիւն: Իսկ ոմանք յուխտաւորաց Հայոց դարանեալ 'ի ճանապարհի՝ սպասէին Դիոնէսիոսի վտանդել զնա, եւ կամ վնասել յեկեղեցւոջ անդ. իրրեւ ոչ հասին խորհրդոց իւրեանց՝ ժողովեցան 'ի գաւիթ եկեղեցւոյն Ս. Յակոբայ 'ի սաղրելոյ անզգաստից ոմանց, և յարուցին ազմուկ մեծ, և ազազակէին խառնաձայն՝ Դիոնէսիոս կործանեաց զազգն, ըստ հաճոյից իւրոց բառնալ կամի զչարանն, գերի արար զմեզ Յունաց, և այսպէս անլսելի հայհոյութեամբ դիմել կամէին 'ի Պատրիարքարան. հասեալ Փոխանորդին եւ Թարգմանին հազիւ կարացին ցրուել զխուժանն: Եւ զկնի անցանելոյ սուղ ինչ միջոցի՝ յանկարծ վերստին կուտեցան անդ բազմութեամբ, և սկսան նախատական բանիւք աղաղակել և խնդրել տալ զԴիոնէսիոս 'ի ձեռս նոցա. զի իրրեւ անհաւատարիմ ազգին յօչել զնա անդամ անդամ, զի առեալ զկաշառս 'ի Յունաց կորոյս զիրաւունս ազգին ասէին, և այսպէս այր զարամբ ելանելով խուժէին և գոչէին, որոց պարագլուխ էր Իւսկիւտարցի Պօլեւոս կոչեցեալ քահանայի սարկաւազ որդին, և միաբանք երկրնչէին գուցէ լուեալ այլազգեաց, բացցեն դուռն մեծի տուգանաց. վասն որոյ աղաչանօք լուեցուցեալ ցրուցին զնոս 'ի տեղիս իւրեանց: Եւ վաղ քաջ ընդ առաւօտն ժողովեալ նոցա 'ի մի վայր՝ խորհեցան չթողուլ զգործն. ոմանք զնացին յԱստուածածին յուզել խռովութիւն անդ, եւ իրրեւ ոչ կարացին, դիմեցին 'ի վանքն, եւ կամէին խուժել 'ի Պատրիարքարանն, և չհանդուրժեալ Թէոդորոսի